

Scriptioibus dimanaverint. Vid. HUETIUS. in *Demonstratione Evangelica. Cap. III. Prop. 10. §. 1. p. 115. §.*
 Et EDMUNDUS DICKINSONIUS. in *Physica Veteri & Vera. Cap. XIX & XX. p. 369. ff.* Proinde siquidem sparsim multa de *Creatione, de statu primæ perfectionis, de lapsu & restitutione* hominum, apud Philosophos leges. Vide post HUETIUM, P. ALLI-
 XII. *Reflexions sur les cinque livres de Moysè, pour etablis la verité de la Religion Chretienne. Chap. III. IV. pag. 1.*

§. VII.

Hominem itaque exactius ut considerem, thema meum me jubet, dum vix de Communione Bonorum sanum aliquid sum exhibiturus, nisi in aprico positum sit, quibus donis ac præ eminentibus bonis Summus rerum Arbiter hominem instruxerit? & quomodo Quilibet bona quidem communia cum reliquis sui generis possideat; simul vero etiam bona quædam, sibi soli collata, tam animi, quam corporis ac fortunæ acceperit; Quod propterea Summum Numen illum hominem dispensatorem constituerit super illa bona & dona, sic quidem, ut his consideratis, revereatur ac timeat DEum, tanquam benignissimum collatorem, in cujus liberrimo arbitrio positum sit, accumulare eadem, aut privare ingratos iisdem; Ut ulterius his bonis atque donis prospiciat cuicumque sui ipsius felicitati, ac omni candore & dexteritate sic tandem dotes suas dispense, quo Reipublicæ, ac omnibus suis concivibus, (quantum suis viribus valet) bene fit, & faciat; Ut his tandem corruscus, præstet Officia Veri, Pii, Justi ac Honesti.

§. IIX.